

ҚИЗЛАРНИНГ ЭНГ ЯХШИ БИЗНЕС ҒОЯСИ

Фарғона ҳуқуқшунослик колледжида “Касб-хунар коллекти битириувчи қизларининг энг яхши бизнес ғояси” танловининг вилоят босқичи бўлиб ўтди.

“Тадбиркор аёл” уюшмасининг вилоят бўлимига 138 нафар битириувчилар томонидан ҳужжатлар топширилган бўлиб, 19 йўналишда 57 нафарининг бизнес-ғоялари саралаб олинди. Уларга “Микрокредитбанк” филиалларидан 4 миллион сўмдан имтиёзли кредит олиш имконини берувчи сертификатлар топширилди.

Олтиарик туманидаги “Нурли обод” фермер хўжалиги раҳбари Лолаҳон Муротова иштироқида ёшларга соҳада олиб борилаётган ислоҳотлар, фермерлик, ҳунармандчилик, тадбиркорлик йўналишларида яратилаётган имтиёз ва шароитлар, қарорларнинг мазмун-моҳияти тушунирилди. Қизларнинг ижодий кўргазмалари уларнинг қизиқиши, мақсадларини ифода этди.

Асаларичилик соҳасига жуда қизиқаман. Ўз тадбиркорлик ишимни имтиёзли кредит билан бошлайман, - дейди Бувайдга қишлоқ хўжалиги касб-хунар колледжи битириувчиси Дилфуз Асророва. -- Вилоятимизда ўзига хос асаларичилик мактаби яратилган. Президентимиз вилоятимизга ташрифи чоғида соҳага катта эътибор бериб, биз ёшларнинг ўқишимиз, мутахасис кадр бўлиб етишишимиз учун таклифлар беришди. Бундан чексиз қувондим. Соҳани чуқуроқ ўрганиб, фаолиятимни кенгайтириш, маҳалладошларимни, қишлоғимни шифобахш неъмат билан таъминлашга ҳаракат қиласман.

2017-07-10 10:54:56